



5/8

336

Broj: 03/1-33-5-416/21
Datum: 19-01-2021

Stamp: KANTON SARAJEVO
Stamp: 26-01-2021
Handwritten: 01, 04, 151-190

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
n/r Predsjedavajućeg Skupštine

VLADA KANTONA SARAJEVO
Ministarstvo zdravstva Kantona Sarajevo
n/r Ministra

Predmet : Odgovor na zastupničko pitanje zastupnice Danijele Kristić, dostavlja se

Poštovani,

Vašim aktom 01-04-151-7/21 od 05.01.2021. godine dostavili ste nam zastupničko pitanje zastupnice Danijele Kristić koje glasi: "Molim da mi dostavite odgovor da li ste informaciju o korištenju tj. propisivanju lijeka Glukogan poslali svim Domovima zdravlja KS na postupanje i da li je informacija dostavljena svim područnim ambulantomama i svim timovima porodične medicine, što je definisano Uredbom o obimu, uslovima i načinu ostvarivanja prava osiguranih lica na medicinska sredstava u KS objavljenom u Službenim novinama KS broj: 22/20.", a upućeno je Zavodu zdravstvenog osiguranja Kantona Sarajevo i JU Dom zdravlja Kantona Sarajevo.

U vezi navedenog pitanja, obavještavamo vas da je Zavod zdravstvenog osiguranja Kantona Sarajevo, reagujući po aktu Udruženje dijabetičara djece i omladine Kantona Sarajevo, uputilo dopis JU Dom zdravlja Kantona Sarajevo broj 01-33-5-15490-1/20 od 22.10.2020. godine kojim traži da se svim pacijentima obezbijedi nesmetano korištenje ovog lijeka i to izdavanjem ampuliranog lijeka glukagon na teret sredstava Zavoda, obzirom da ne postoje ograničenje u formi smjernica sa liste lijekova ili neko drugo ograničenje u formi podzakonskog, internog ili stručnog akta za korištenje lijeka glukagon kojim bi se ograničavalo korištenje ovog lijeka pojedinim pacijentima.

Obzirom da smo i nakon ove intervencije dobili informaciju da JU Dom zdravlja Kantona Sarajevo i dalje nije obezbijedio nesmetano korištenje ovog lijeka, Zavod je dana 03.11.2020. godine uputio i urgenciju, te tražio da se odmah i bez ograničenja omogućiti izdavanje traženog lijeka svim pacijentima kojima je on potreban bez obzira na životnu dob pacijenta.

Lijek glukagon se godinama obezbjeđuje pacijentima na teret sredstava obaveznog zdravstvenog osiguranja Kantona Sarajevo jer je isti sastavni dio liste ampuliranih lijekova koji se izdaju u primarnoj zdravstvenoj zaštiti, i koje zdravstvene ustanove trebaju i nabavljaju na teret sredstava Zavoda, a potom distribuiraju po svim svojim organizacionim jedinicama i ambulantomama.

Radi ispravnog i potpunog informisanja, skrećemo pažnju da su prava pacijenata na lijekove (pa tako i na lijek glukagon) utvrđena odlukama o listi lijekova Kantona Sarajevo, a ne Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstava kako se to navodi u zastupničkom pitanju.

S poštovanjem,



DIREKTOR

Sakib Katana, dipl.oec.

Dostaviti:

1. Naslovu X2;
2. Služba pravnih poslova;
3. a/a.